


Broj: 01-04-13-06686//2023
Datum: 21.11.2023.godine



BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA
PREDSJEDAVAJUĆI SKUPŠTINE KANTONA SARAJEVO
n/p - Elvedin Okerić
veza vaš akt br. 01-04-45131-40/23 od 09.11.2023.godine

n/p- zastupnica Mersiha Mehmedagić

BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BiH
GENERALNI SEKRETARIJAT VLADE
n/p- generalna sekretarka mr.sci. Edita Kalajdžić

PREDMET: Odgovor na zastupničku inicijativu Mersihe Mehmedagić, *dostavlja se*

Federalna uprava za inspeksijske poslove zaprimila je dana 15.11.2023.godine akt gornji broj koji je zastupnička inicijativa koju je uvažena zastupnica Mersiha Mehmedagić postavila u okviru Desete radne sjednice Skupštine Kantona Sarajevo, dana 09.11.2023.godine.

Naime, ista se obratila na adrese nekoliko federalnih organa i pored Federalne uprave i kantonalnoj upravi za inspeksijske poslove Kantona Sarajevo, sa zahtjevom da joj se odgovori šta su svaka od navedenih organa/institucija u okviru svoje nadležnosti poduzele a vezano je za saznanja iz medija o trovanju građana u Republici Hrvatskoj konzumiranjem mineralne vode i gaziranog pića proizvođača *Coca Cole*, i zatražila je da se poduzmu sve potrebne mjere kako bi se građani kantona Sarajevo, kao potencijalni konzumenti gaziranih pića upozorili i zaštitili od eventualnih štetnih posljedica po zdravlje. Zastupnica je pozvala da se hitno poduzmu od strane nadležnih organa aktivnosti kako bi se izvršio monitoring

kvalitete gaziranih pića navedenog proizvođača radi zaštite zdravlja svih građana Federacije BiH i zdravlje posjetilaca turističkih destinacija u Federaciji BiH.

U pripremi odgovora ispred Federalne uprave za inspekcijske poslove, učešće je uzeo Federalni zdravstveni inspektorat, koji se očituje kako slijedi.

Federalna uprava za inspekcijske poslove zaprimila je dana 08.11.2023.godine akt Agencije za sigurnost hrane Bosne i Hercegovne broj: 04-1-2-26-12-1180-1/23, kojim traže pojačane mjere kontrole prilikom uvoza i na unutrašnjem tržištu za proizvod: **Romerquele Emotion Blueberry Pomegrante 330 ml**. Naprijed navedene mjere traže se zbog saznanja o sumnji trovanja spornim pićem proizvođača Coca-Cola HBC Hrvatska d.o.o.

Federalna uprava za inspekcijske poslove- Federalni Inspektorat zdravstva, je na osnovu navedenog akta Agencije za sigurnost hrane BiH, isti prosljedila dana 09.11.2023 godine, Kantonalnim upravama za inspekcijske poslove Federacije Bosne i Hercegovine, nadležnim Ministarstvima zdravstva Srednjo-bosanskog kantona, Ministarstvu zdravstva, rada i socijalne zaštite HNK koji u svom sastavu imaju uposlene sanitarne inspektore i sanitarnim inspektorima Općine Zenica i Tuzla.

Tom prilikom Federalna uprava je od kantonalnih inspekcijskih organa zatražila da se pojačaju mjere kontrole na unutrašnjem tržištu, spornog proizvoda **Romerquele Emotion Blueberry Pomegrante 330 ml**, te da o rezultatima inspekcijskog nadzora obavijeste Federalnu upravu za inspekcijske poslove i Agenciju za sigurnost hrane BiH.

Postupajući inspektori dostavili su informacije nakon izvršenih inspekcijskih nadzora prilikom kojih su utvrdili **da sporni proizvod nije zatečen na području Federacije Bosne i Hercegovine**.

Inspektori za hranu Kantona Sarajevo izvršili su i usmjereni inspekcijski nadzor kod proizvođača Coca-Cola HBC B-H d.o.o. Sarajevo, Mostarsko raskršće 1, Sarajevo, Hadžići i utvrdili da Coca-Cola HBC B-H d.o.o. Sarajevo, uvozi samo Coca-Colu u limenkama 330 ml i 250 ml iz Austrije, Mađarske i Srbije sa propisnom deklaracijom i podacima o uvozniku.

Prilikom nadzora, nadležni inspektori Kantona Sarajevo su provjerili sanitacijske postupke i upravljanje hemikalijama, zatim je detaljno kontrolisana dokumentacija, procedure, radne upute, CIP matrica (gdje, kada, ko vrši vanjsko i unutrašnje pranje opreme), zatim su kontrolisane i unutrašnje površine proizvodne opreme koji su u kontaktu sa hranom da nemaju zaostalih hemikalija. Uspostavljena je lista odobrenih hemikalija za čišćenje i dezinfekciju. Za svako sredstvo je dostupan sigurnosno tehnički list, kao i skraćena informativna uputa za rukovanje koja je postavljena na mjesto aplikacije. Kontrolisane su sirovine, izvještaji o kontroli vode koja ulazi u sastav proizvoda, dokumentacija CO₂, dokumentacija za kristalni šećer, te dokumentacija za koncentrat.

Na osnovu predloženih Izvještaja o rezultatima fizičko-hemijskih ispitivanja uzetih uzoraka Coca-Cola –osvježavajućeg bezalkoholnog gaziranog pića, 0,5l PET 2,0l PET, utvrđeno je da su **ispitivani uzorci usklađeni sa fizičko-hemijskim i mikrobiološkim kriterijima, tj. da**

je utvrđena vrijednost parametara u granicama referentnih vrijednosti prema Pravilniku o prehranbenim aditivima i Pravilniku o upotrebi aroma u hrani.

Analizu je proveo Zavod za javno zdravstvo Federacije Bosne i Hercegovine, a rezultate analize nam je prosljedila Agencija za sigurnost hrane BiH aktom broj:04-1-2-26-12-1180-15-1/23 od 20.11.2023.godine.

Dakle, utvrđeno je da postoje razlike između proizvoda Coca-Cola koji se proizvodi u Republici Hrvatskoj i Bosni Hercegovini (iako sve sirovine moraju odgovarati istoj propisanoj specifikaciji bilo gdje u svijetu), te se proizvodi iz Bosne i Hercegovine i Republike Hrvatske ne mogu dovesti ni u kakvu vezu.

Ovim smatramo da smo odgovorili na inicijativu uvažene zastupnice.

S poštovanjem,

Dostavljeno:

- 1 x Predsjedavajući Skupštine Kantona Sarajevo-Elvedin Okerić
- 1 x zastupnica-Mersiha Mehmedagić
- 1 x Generalna sekretarka Vlade FBiH- mr. sci. Edita Kalajdžić
- 1 x a/a



DIREKTOR

[Redacted signature box]

Mr. Anis Ajdinović